

Fwngzswix Caeuq Fwngzgvaz

左手和右手



Lwnh aen gojgaeq caensaed ndeu, gojgaeq fatseng youq ndaw hagdangz siujyoz.

Youq gwnz dangz mwh lauxsae cam vwndiz seiz, miz boux doengzhag he baeznaengz cungj yaengx fwngz, hoeng lauxsae heuh de ndwn hwnjdaeu seiz de cix mbouj rox baenzlawz dap, gyoengq doengzhag cungj riu de.

Roengzdangz le lauxsae ra de, cam de vihmaz baenzneix guh, de naeuz danghnaeuz lauxsae cam vwndiz seiz swheij mbouj yaengx fwngz, gyoengq doengzhag roengz-dangz le couh heuh de bauxhuk.

Vihneix, lauxsae couh caeuq de doxyaeng ndei, baezlaeng mwh de rox hoizdap seiz couh yaengx fwngzswix, mbouj rox seiz couh yaengx fwngzgvaz. Gvaqlaeng, boux doengzhag neix yaengx fwngzswix ngoenz beij ngoenz lai, hoizdap vwndiz hix ngoenz beij ngoenz ndei, boux hagseng yienzbonj cungj ngaiz doengzhag riunyaen neix bienqbaenz boux hagseng cingczik ndei ndeu lo.

Aen goj neix lwnh hawj raeuz, aeueiq boux lwnyeyz ndeu beij son hawj de cihsiz engq naekgywg. (Sugij hoiz)



Bouxnyezsai Beizheiq Yaez

坏脾气的男孩

Miz boux lwnyeyzsai he ngoenznaengz fat beizheiq, vihneix daxboh de couh hawj de daeh ding ndeu, caemhcai naeuz de, baeznaengz de fat beizheiq seiz couh youq gwnz led laeng ranz ding diuz ding he.

Ngoenz daih' it, daeg neix ding le 37 diuz ding, gvaqlaeng de ding ding ngoenz beij ngoenz noix. Aenvih de fatyienh fat beizheiq yungzheih ding ding nanz!

Doeklaeng miz ngoenz he daeg haenx mboujcai luenh fat beizheiq lo, de dawz gienh saeh neix lwnh hawj daxboh nyi, daxboh de youh naeuz de, daj seizneix hainduj mwh mwngz ding ndaej mbouj fat beizheiq seiz, mwngz couh yut diuz ding he okdaeu.

Ngoenz gvaq ngoenz, doeklaeng lwgsai naeuz hawj daxboh de, gij ding de ding youq gwnz led haenx cungj yut liux lo.

Daxboh rag fwngz de daeu daengz laeng ranz naeuz: "Mwngz guh ndaej gig ndei, lwg ndei gou. Hoeng mwngz yawjyawj gij conggh gwnz led, gyoengqde ciengx-lwenx cungj mbouj ndaej hoizfuk gij yienghsiengq lumj gaxgonq nei lo. Gij vah mwngz heiqndat seiz gangj haenx hix lumj gij ding neix hawj bouxwnq louz roengz biujsieng."

Fat beizheiq gaijgez mbouj ndaej saek yiengh saeh, lij sawj bouxwnq deng sieng dem, vihneix, caeuq vunz doxndei doxyouq gig youqgaen.

(Sugij hoiz)

Ranz Mwngz Miz Lab Lwi



你家有蜡烛吗

Miz dahsau ndangndeu he ngamq buen ranz, de fatyienh henznden youq ranz gungzhoj he: Yahmai he daiq song boux lwg.

Haemh he, gizdieg dahsau youq haenx sawqmwh dingz dienh, de caenhndei youq ndaw ranz diemj lab ciuq rongh. Gvaq yaep he, de dingqny miz vunz bongx dou.

Laxlawz dwg dahniq ranznden, caenhraen de gaenjieng dwk cam: "Mehna, ranz mwngz miz lab lwi?" Dahsau sim naemj: "Nanzdauh ranz de lien lab cungj mbouj miz ngaenz cawx? Ciengeiz gaej ciq hawj gyoengqde, mboujnex ngoenzlaeng ngaiz nem dawz couh baih lo!"

Baenzneix, dahsau ndangndeu gig mbouj hekheiq dwk coh dahniq rongx naeuz: "Mbouj miz!" Mwh de yaek haep dou seiz,

dahniq gungzhoj haenx riunyumnyum dwk naeuz: "Gou couh rox ranz mwngz itdingh mbouj miz!" Gangj sat, couh daj ndaw rung dawzok song diuz lab, naeuz: "Daxmeh caeuq gou lau mwngz boux ndeu gag youq youh mbouj miz lab, ndigah gou soengq song diuz lab hawj mwngz."

Seizneix dahsau nyinhnaeuz swheij sieng loek lo, de gikdoengh dwg raemxda cungj lae okdaeu. De got dahniq daengz ndaw rung, aen sim de hix sawqmwh bienq ronghsag lo.

Mwh mwngz caij dawz dujva he, gij rang dujva couh nem dawz gij din mwngz!

(Sugij hoiz)



Miz song vunz guhdoi youq henz daemz ep bya, hoeng gij beizheiq songde cix doxca haujlai, boux he mbouj aiq leixlangh bouxwnq, maij gag bouxdog ep bya; lingh boux cix gig ndatsim, gyaec caeuq bouxwnq gyau baengzyoux. Mboujgvaq song boux neix gig rox ep bya, yaepyet cungj ep ndaej geij duz.

Seizneix, cibgeij bouxyouz daeu daengz henz daemz, yawj songde baenz yungzheih couh ep ndaej bya, hozhaenz raixcaix, hix cawx ganjepbya daeu sawq caijsoq. Hoeng gyoengqde naengh baenz buenq ngoenz cungj mbouj raen saek duz bya hwnj sep.

Boux maij gyau baengzyoux haenx yawjraen bouxhek ep mbouj ndaej bya, couh naeuz: "Yienghneix ba, gou son sou ep bya, danghnaeuz sou hag rox caemhcai ep ndaej bya, ndaej cib duz couh soengq duz he



Aengoj Ep Bya

钓鱼的故事

hawj gou, mbouj gaeuq cib duz couh sueng lo."

Daihgya nyinhnaeuz gig hablex, cungj doengzeiq lo.

Son bang vunz neix le, de youh bae son bang vunz wnq, cungj iugouz ep ndaej cib duz soengq de duz ndeu.

Daj banhaet daengz banhaemh, boux haenx cungj dwg bae son gyoengqvunz ep bya, hoeng de hix mbouj sonjsaet gijmaz, de mboujdanh "ep" ndaej laep bya rimrgrwg he, caemhcai gyau ndaej buek baengzyoux he. Mwh daihgya doxyaeng saehyinx ep bya hoenghhdhwd seiz, boux gag youq gag ep haenx cix gag mbwq youq henz daemz, gij bya ndaw laep de hix mbouj beij doengzdoi lai.

Lai gyau baengzyoux, ndaej hawj seiqgyaiq mwngz engqgya gvangqlangh. (Sugij hoiz)